

Poroje pewtudo ndeenaagu e yirwere hakkundeere Mali

Kettinee-min!



Poroje pewtudo ndeenaagu e yirwere hakkundeere Mali

Kettinee-min!

Puddirká

Koteba Kura, Grin-Grin, Le Scorpion...taariki leffol nate do Mali doo ana habbodi e alhaali demokarasi leydi ndii kanum e yirwere laawi kumpitirdi yimbe.

Gila ndeen, leffol nate Mali hebi yiingo lobbo ley aduna, dow ko Georges Foli, Bruno Léon e Adama Bah barkani 'en golle nate ngolli ley oo kabaaru.

Hono no leydi ndii worri jooni nii, leffol nate Mali ana wonndi kanum duu e tiidallaaji ley wakkati goodudo oo. Gollirde kumanide kabaaru yirwere e gollirde pabotoode yimbe ana jogorii leffol nate hono laawol kumpitirgol lobbol yimbe banngal hakkeji sukaabe, reenugol hawaalu naa cellal yimbe.

SIPIRI e gollidiidso mum do Mali doo, biyeteedo Bunndu Anndal tewti nawtoraade leppi nate ley golleeji mum. Ley majjum ebe barkina faa sanne malinkooбе worbe e rewbe, jabube jaabaade lanndi di be lanndaa lebbi tati fuu, faa yottii duubi tati, ley resonjaaji gondi hakkunde Mali dii. Leppi nate dii ana paaboo ley fijo, famminde ko saabi yimbe ana kaani yahondirde, hawrinde seedafuuji e tottondirde hakkillaaji. Ley majjum humaniibe golle widito e golloobe daraniibe kabaaruuji yirwere, kanum e hooreebe politikki ana keba mballigu banngal jawdi iwrude to fedde leyde Eroppu feewde poroje oo, e humpitidde faa wooda dow tiidallaaji di yimbe ngondi nennde fuu, faa yottoo sugullaaji mabbe e jikke mabbe, ley anniya faabaade laamu Mali ley golleeji mum.

Mido njonndorii janngude binndi ngol leffol nate, faaboto anndude darnde homo kala e meeden, leydiyankoбе Mali, humaniibe kabaaru yirwere e laamiibe. En fuu eden kaani faabaade Mali hannde kanum e janngo mum. Ley majjum eden kaani hettinaade tafon bibbe leydi ndii!

Bart Ouvry

Ammbasadeer

Keyaađo Fedde leyde Eroppu
ley leydi Mali

Dan Smith

Hooreejo

Gollirde Humaninde jiibugol Jam
ley Aduna wonnde Stockholm

Sifagol poroje oo e gollirde godde:

Gollirde humaniinde jiibugol jam ley adunaaru innditirteende Stockholm International Peace Research Institute (SIPIRI) kajum e gollididdo mum biyeteedo 'Bunndu Anndal, laamii « Poroje Mali -Santiri kumanido kabaaru ndeenaagu e yirwre » mo fedde leyde Eroppu roondii almusaddaaji mum. Poroje oo fuddii gollude ley hitaande 2018, omo humpitina dow kabaaruji kabbiidi e laamagol, ndeenaagu, yirwre yimbe e kebal ley honnjagol yimbe. Ley majjum, yimbe heewbe lanndaama lanndi keewdi ley Serkeljaaji gondi ley Resonjaaji hakkundeere Mali dii. Leyde fedde Eroppu dee, njabi hawrinde Annde mum'en, kebe mum'en e baawde mum. Be ndeenti be darni nokku kumanido deeyere, demokarasi yirwre booyoore ley wattangol hakkille finaa- tawaaji goodudi, sawraare e ndimaaku homo kala. Leyde fedde Eroppu dee ana njidi feccendirde e yimbe wombe ley leyde godde de mo waldaa keereefi dee, golleeji mabbe e neesuuji mabbe.

Stockholm International Peace Research Institute (SIPIRI) yo gollirde gollonoore hoore mum ley Aduna, humaniinde golle widito dow baasiji, dow kaborde, rafi saakagol kaborde, e teetugol habotonooibe kaborde mum. Gollirde ndee, darnaama ley hitaande 1966, ende fammina dow kabaaruji e bakkile pewtude jawdiji foroba, hooreebe politikki, golloobe golle widito, laawi kumpitirdi e jamaa kasindiddo e dii kabaaruji.

Bunndu Anndal, Semmbingol Anndal Nokku (Bunndu Anndal), yo gollirde gollonoore hoore mum ley Aduna, humaniinde golle widito e jannde, joodiinde Bamako, Mali. Golle mayre habbaaki e laamu leydi ndii. Ende saawi gubal golloobe daraniibe golle widito, Bunndu Anndal ana jaakitoo golleeji goodudi ley nokkuuji doo dii e porojenjaaji keertanaadi heydintiggol e darnugol leydi.





Barkinaango:

Ngoo barkinaango, ana fewti yimbe wombe hakkundeere Mali jabube jaabaade lanndi amen.

Midon barkina duu gollidibbe amen warbe ley Resonjaaji gondi hakkundeere Mali ley anniya hawrinde kabaaruji pewtudi nokkuuji dii. Midon barkina gube yimbe gollonoobe porogaram Saahal e hirnaange Afiriki, humaniibe golle humpitagol SIPIRI.

Midon barkina gubal golle Bunndu Anndal.

Laamuuji keewdii ngadiino Mali e bettaade, leydi ndii ana anndiraa saabe taariki mum, keewal siji e baaldal lobbal hakkunde yimbe. Hakkundeere Mali yo nokku anndaado ley Aduna mo yimbe ngarata yeewde nokkuuji manadi, hono geelle haabe, maayo raneewo e kokooji Segu...



Segu ana hodî hakkunde leydi Mali,
kokooji booko ana piiltini ngeenndi ndii.





Reson Mootti yo nokku do siji keewdi ngoni ley mum. Ngeenndi ndii ana jogii darnde
lobbere ley kebal leydi ndii. Mootti ana jogii nokkuuji ñardufi keewdi, ñi hobbe ngarata
yeewde, isinnaaji kanum e nokkuuje hooreeje demeteede. Omo jogii maayooji keewdi
hono maayo raneewo e togge ledde keewde.




Kaa gila duubi keewdi hannde, Mali ana wonndi e tiidallaaji keewdi ci torraaji mum njottii yimbe heewbe wombe ley geelle gonde ley Resonjaaji hakkundeere dii.



Ley anniya faabaade yimbe e hebude dabare e tiidallaaji goodudi dii , leyde Adunaaru dee ndokkondirii juude faa paaboo Mali.



To gollirde Persidan leydi Mali too, heyaabe laamu e faabotoobe mum trottordiri hakkillaaji dow tiidallaaji dii.



Hono min
mbaawiri
faabaade on?



Midon njidi
anndude ko jamaa
oo haajaa.

Midon kaani moobude
kabaaruji ley
Resonjaaji
hakkundeere dii.



Jonte seeda caggal jiidal ngal...
to gollirde heyaabe leyde Eroppu
Mali doo, batuuji joyyinaama
hakkunde golloobe bee.



Faa korol ngol heba
gasude, midon njamira
gollidinde e Gollirde
kumaniide ndaartugol jam
SIPIRI e Bunndu Anndal,
jogiide mbarkaanaaku mum.

No alhaali oo worri nii,
gofornema oo ana yidi
faabeede faa yiita haajeeji
jamaa reson hakkundeere oo.




Dee gollirde didi ngaran hawrinde kabaaruji lobbi dow alhaali yimbe wombe hakkundeere Mali.

Mi jabii yimbe wombe ley dii nokkuuj i lanndondiree. Jaabuuji kebeteedi ley oo golle, faabotoo no woodiri lanndinde heeyo golleeji paabotoodii yimbe wombe ley dii nokkuujii.

Hooreebe leydi ndii paaboto on ley oo golle.

Lebbi seeda caggal lanndine dee, SIPIRI e Bunndu Anndal neldan famminoobe golle oo ley reson hakkundeere oo.




be cilminaama toon faa gasi ! Meer'en
bee cemmbini nelal be ngardi ngal.

Ameeri'en geelle ngarii hettinaade
famminoobe rewbe e worbe bee.



Garol golloobe bee ley nokkuuji dii, faabike bee annude saabe lanndi di gooto fuu lannda kajum e lanndi di gube yimbe lannda dii.



Ley masin lanndordo oo, pamminoowo oo ana lanndondira e lanndeteedo oo tiidallaaji jottiidi bee.



Min ngalaa
ndiyam keyoojam.
Yooro ngoo jaalike
nokku oo.



Kilomeeteruuji seede caggal doo, annii gubal lanndotoobe ana lanndondira e remoobe ley Reson Segu.

Sakiike, tiidallaaji
hedi ngoni ley
ngeenndi mon ndii?



Tiidallaaji ana keewi doo,
eden mbaawi limtude ley
hen rafi deeyere, baasiji
hakkunde remoobe e
duroobe.


Baaldal hakkunde amen e duroobe ana
tiidi sanne. So won duroowo nannudo
daabaaji mum ley ngesa amen, mi
haaltanan dum Ameri ngeenndi, kapnum
duu doon e doon, noddan haddube bee,
haalda e mabbe tilo
fiya dabare, no baasi oo
njirfta.

Ndenno so baasi
immike, on njaata
sariya naa?


Kaa ana foti wakkati kuurdo, ko
min puusdi yiide jooni koo,
woowaaka yi'eede ndeen.
Gese amen demaade
cumaama. Kaa min annda
so ngoonga golludo oo
golle bondo.

Suudu sariya ana woddani
min. Ameri ngeenndi woni
curoowo baasi. Kanko tewtata
tafon dabare so baasi immike.







Ley ngeenndi ngonndi jeydaandi e reson Mootti oo, gubal golloobe Bunndu Anndal ana jokki e moobugol kabaaruaji dii.




Midon kula
yaltude !

Saabe rafi ndeenaagu e dii tiidallaaji
fuu wadi so cogguuli kulle beydii doo.
Fey jaaguuli joottii warde ngeenndi
amen. Walaa ko hebetee e jaagu.



To yeeso too seeda, ley galle goddo,
debbo gooto e sukaabe mum ana
njoodii damal galle mum'en.

Mijnam debbo, wakkati oo ana tiidi. Kulle dee
iwrii no ngorrungoo. E hakkille am no sukaabe
bee ngorri nii wanaa ko welii kam. Yeew be,
be joottii yaade lekkol. Ga amen gaa, cuudi
lekkol dii fuu uddaama, jaanginoobe e
Direkteer'en lekkol bee fuu mbittii. Ana foti
lebbi kuurdfi hannde sukaabe bee ana cuudi.
Edum torri kam sanne.



Famminoobe rewbe e worbe ana njokki e golle mum'en oo. Be kawrii e fedde sukaabe ana pilii barraadu mum'en atte. Be lanndondiri be kolitti wemmbereeji mabbe.

Jam waali e mon on fuu, tiidallaaji hedi ngondoo-don hannde hannde oo ley nokkuji mon dii?

Faa mi haalne banndam debbo, fade baasi oo immaade, midon kebannoo golleeji cewdi. Kaa joonin Fey huunde hebataake. Mido miili tewtoye arsuku am Bamako.



Midon ngondi doo e tiidallaaji nenne fuu. Fotaafey balde didi, geelle baadiide min kippaama, bolaama. Dunkee'en deen geelle ngarii tollaade do amen doo. Kaa nguure walaa don ko heyata homo fuu. Rafi nguure ana hulbin min.



No alhaali oo worri joonin nii, battane amen ana hulbinii ! Dum saabii so sukaabe yogaabe ana njidi iwde e reson oo naa naatude ley gube kabotoode dee.




Caggal ko golle oo tilii koo, lanndotoofe bee ngartirii jaabuuji kebaadi dii Bamako.



Horeebe Bunndu Anndal e SIPIRI bee kolittii heyaabe fedde leyde Eroppu e laamunkooabe Mali bee jabuuji kebaadi dii.

Midon njidi nanude ko yimbe wombe hakkundeere Mali ngarata haalande min.





Jaabu arannde : hoolaare ana heddii hakkunde bibbe leydi ndii e laamiiibe bee.



Goforneer



Meer




Juju




Ameer i ngeenndi

Jaabu didobo: Ameeri'en geelle tayata tafon sariya so baasi immike.



Jaabu tatobo: yimbe buytii yaa-warta
mum'en saabe rafi ndeenaagu e baasi oo.



Kettino den jooni
dee jamirooje....



**Yamiroore arannde: humaniibe ndeenaagu leydi
ndii ana kaani reenude bibbe leydi (siwil'en).**



**Yamiroore didooberde: habude e rafi golle e tewtande
sukaabe bee golle.**



Yamiroore tatoberde: darnude gollirde paabotoode
yimbe ley nguurdam mum'en.



So dee jamirooje tabintinaama, deeyere hebete
ley hakkundeere Mali....



SIPIRI
Signalistgatan 9,
169 72 Solna, Suwedi

Limoro: Stéphanie Blenckner, blenckner@sipri.org

Faabiibe ley tabintiggol golle oo:
Dr Virginie Baudais, Frédéric Daudon e Caspar Trimmer

Ley binndi: Georges Foli
Banngal nate: Bruno Léon
Wadugol nooneeji: Adama Bah
Yubbondirgol: Editions Seyna
editions@yahoo.com

© SIPIRI lewru 2022

Hakkeeji e sariyaaji nawtordi golle mo yimbe wobbe golii

Kala ko gollaa doo koo yo jeyal halal winndube binndi dii bee. Golle oo ana jogii annditorde foroba wiyeteende “Créative Commons Attribution”- nde haana nawtoreede banngal jaagu – naa duu tewtirde dum kaalisi ley leyde Adunaaru 4.0. Ley majjum, Dum saabi, odon njamiraaj sottinde golle oo, naa nawtoraade mo meere-meere fey so on jeyaa mo ley Aduna oo fuu, tawee on jeeyali mo; kaa so odon nawtoroo oo golle odon kaani limitude winndube mo bee, koliton duu woodugol hakkeeji mabbe, njeeynon hello arannde e dii binndi pamminooji dow nawtoragol oo golle.

Darnugol keereefi e yaltugol e darnde mum

So wanaa sariya luttondiroowo goddo bamaa, dokkudo yamiroore nawtoragol oo golle, waawaa bamude sariya goddo ley binndi feewde oo golle. Dum ana woodani jawdi golle oo, nawtoragol keertaangol golle oo, rafi garnagol, rafi tawegol kulle bonde cuudiide naa ellaaji goddi anndaadi naa di anndaaka baawdi yi'eede ley golle oo. So darnugol keereefi wadaaka, nawtoragol kaa sariya woodanaa on.

Ley majjum, dokkoowo yamiroore golle oo walaa fuu no waawi noddeede sariya (fey so tawii yeebaare taykaama) so wartii banngal jukkungooji, faa yottoomursugol jawdi e torraaji goddi baawdi hebeede le nawtoragol yamiroore ndee naa golle oo; Fey so dokkudo yamiroore ndee oo ana anndani bonugol jawdi ngol. So darnugol keereefi wadaaka, nawtoragol kaa sariya woodana on.

Darnugol keereefi e yaltugol e darnde mum, ana kaani faamireede hono buytugol naa salagol Fey darnde mum.



Jeeyngal ndee dewtere hebii moyyineede dow faabaamuya Kawrital leyde eroppu banngal poroje Mali Santiri daraniido ndeenaagu e yirwere. Caawki mayre e dow hawju SIPIRI e Bunndu Anndal tan fawii, wanaa waajibi kinaa dum tawee dow miijooji kawral leyde eroppu dee.

